

248

(...)

Pradelle, testament,

Au nom de dieu soict scaichent tous p(rese)ns
et advenir que l **an mil six cens trente** et le **dernier** jo(ur) du
mois de **mai** regnant nostre souverain et tres chrestien
prince louis par la grace de dieu roy de france et

.....
de navarre par devant moy no(tai)re royal soubs(sig)ne et p(rese)ns
les tesmoings bas nommes avant midy au **devant l hospital**
s(ain)t jacques de villemur diocese bas montauban e(t)sen(echau)cee de
tholose a este en personne **jeanne pradelle vefve**
de **pons alaux** dud(it) villemur laquelle estant **sortie hors**
de la chambre du milieu dud(it) hospital ou elle est po(ur) estre
affligee de la maladie contagieuse assise sur un petit
siege auroict declaire que de son bon gre pure e(t)franche
volonte non seduite ny subornee de personne ainsi qu()a
dict et estant en son bon sans jugement memoire et cognoissance
bien voiant oyant e(t)parlant comme a appareu a moy d(it)
no(tai)re et tesmoings considerant qu()il n()y a rien de plus certain
que la mort ny de plus incertain que l()heure d icelle et
vouloir fere son testament nuncupatif et der(nier)e disp(osition)
de ses biens lequel elle auroit declaire a haulte voix
en la forme suivante en premier lieu lad(ite) pradelle
testatrix a invoque le nom de dieu le suppliant lui vouloir
pardonner ses peches et recevoir son ame en son paradis
celeste voulant qu()incontinent apres son deces son corps
soit **ensevely selon l()ordre de la religion catholique romaine**
au **cimetiere s(ain)t jean** dud(it) villemur remettant ses honneurs
funebres a()la discrection de son filz et heretier bas nomme
item donne et legue lad(ite) testatrix a **barthelemi faure**
son neveu filz de jacques et de marie pradelle soeur
de lad(ite) testatrix scavoit est une piece terre qu'elle a
dans le consulat dud(it) villemur lieu appelle a **pech de peyre**
de la contenance de trois rasees ou environ confron(tant) du
levant avec terre jouie par les heretiers de feu george
pomier de midi avec **chemin tendant de pech de peyre**
a bondigous du couchant avec terre du s(ieu)r julli et d()aquilon
avec terre en boygue d()ung nomme blaise po(ur)
par led(it) faure incontinent apres le deces de lad(ite) pradelle

249

jouir e(t)pouvoir disposer de lad(ite) piece a ses plaisirs et volontes
et ce en considara(tion) des bons services qu()il luy a rendus
et acistances que lad(ite) testatrix se recognoist avoir receues de

lui depuis qu()elle est dans l infection et recoit encore tous
 les jours item a donne et legue a **anne faure sa
 niepce femme de jean berard** tailleur en considera(ti)on de
 l()amitie qu'elle lui porte ung lict qui est dans la ma(is)on
 que lad(ite) testatrix a dans vill(emur) et ou elle habitoit garni
 de coette et coissin remply de plume et une couverte blanche
 lequel lict lad(ite) pradelle testatrix charge son heretier
 de deslivrer a lad(ite) faure incontinant apres son deces
 item a donne et legue a **marie blanchone
 femme de gedeon vergier orphevre** une anesse qu()elle
 a ses habitz et hardes ensemble deux linsseulz de ceulx
 que lad(ite) testatrix a aud(it) hospital et ce en considera(ti)on des
 services que lad(ite) blanchone lui a rendus et continue
 de lui rendre laquelle anesse hardes et deux linsseulz
 lad(ite) testatrix a voulu que son heretier deslivre a
 lad(ite) blanchone incontinant apres son deces et en
 to(u)s et ch(ac)uns les biens noms droictz voix et actions p(rese)ns
 et aavenir de lad(ite) pradelle testatrix icelle a faict et de
 sa bouche nomme po(ur) son heretier universsel et general
joseph alaux son filz po(ur) de sesd(its) biens et heredite
 en jouir fere et disposer incontinant e(t)]faire[apres le
 deces de lad(ite) testatrix a ses plaisirs et volontes
 a la vie et a la mort et tel a declaire lad(ite) pradelle
 son testament nuncupatifz et voulu icellui estre
 valable par droict de testament codicille donna(ti)on et
 par tout au(tr)e droict uz stil et coustume que mieulx
 pourra valloir cassant revoquant et annullant to(u)s au(tr)es
 testamens et disp(ositions) precedantes qu()elle peult avoir

.....
 faittes affin que le p(rese)nt sorte a effect si a pries les
 tesmoings qu()elle a recogneus et nommes par le(ur) nom
 d()estre memoratif de sa volonte et a moy no(tai)re m a
 requis de lui en rettenir instrument ce qu()ay faict ez
 presences de m(aîtr)e jean bonnefous p(rest)bre et viquaire
 de villemur jean seigne jacques lambert marchans
 jean vacquier passemantier pierre peyrat filz d()au(tr)e pie(rre)
 geraud blacquiere de vill(emur) signes et jean delache
 dud(it) vill(emur) ne scaichant ny lad(ite) testatrix et moy no(tai)re ./

Bonafous	Lambert	Peyrat
Seigne, p(rese)nt	Vacquier, p(rese)nt	
Blacquiere, p(rese)nt	Esteverin not(aire) r(oyal)	